

Očevi i centri za čuvanje djece

Jeste li znali?

Svake godine preko stotinu hiljada muškaraca u Australiji postanu očevi po prvi put. Vrijeme je to oduševljenja ali često i prevelikih obaveza.

Danas je većina očeva mnogo više uključena u obaveze odgajanja kako bi dijete moglo rasti i učiti u okruženju punom ljubavi, sigurnosti, njege i inspiracije. Očevi postaju svjesniji velikog učinka koji svojim ponašanjem imaju na zdravlje njihove djece i cijele porodice.



Šta muškarci žele od centara za čuvanje djece?

Generalno, u Australiji je obavljeno veoma malo istraživanja u vezi toga šta očevi očekuju od centara za čuvanje djece a takođe je malo poznato jesu li ta očekivanja drugačija od onih koja imaju žene. Postoji nekoliko opštih stvari koje su objavljene a koje pokazuju da muškarci obično preferiraju sljedeće:

- više aktivnosti sa zadacima koji će poticati konverzaciju i dati im osjećaj da doprinose zajednici/porodici
- praktične informacije i savjeti – kada izlaze iz centra oni žele sa sigurnošću znati šta trebaju učiniti da bi riješili neki problem
- ne žele dugoročne veze sa pojedincima iz centra
- ne žele poseban tretman, pokroviteljski ili odnos na osnovu kojeg će zaključiti da se u njih nema povjerenja kada su djeca u pitanju

Kako se ono što vi želite može usporediti sa gore nabrojanim opštim stvarima o tome šta muškarci preferiraju u odnosima sa centrima za čuvanje djece?

Saradnja sa vašim centrom za čuvanje djece za zdravlje i dobrobit vašeg djeteta

- Važno je da osjetite dobrodošlicu i podršku u centru u kojem čuvaju vaše dijete. Odvojite malo vremena kako biste osoblju dali povratne informacije o tome kako su vas primili i podržali.
- Nemojte se ustručavati da dajete praktične sugestije o tome šta bi se još moglo učiniti da vam se pomogne pri obavljanju vaše uloge. Vaše povratne informacije će u budućnosti, pomoći i drugim očevima.
- Vi ste partner sa centrom za čuvanje djece. Iskoristite što bolje možete priliku koja vam je pružena ili sami kreirajte mogućnosti koje su vam potrebne kao podrška za vašu roditeljsku ulogu.
- Osoblje je dobar izvor informacija o vašem djetetu. Oni su uvijek spremni porazgovarati o aktivnostima vašeg djeteta tokom dana, istaknuti šta ga zanima i u čemu istinski uživa. Pitajte za praktične savjete i sugestije koje aktivnosti biste, sa svojim djetetom, trebali raditi kod kuće.
- Možete razviti dobru mrežu uzajamne podrške sa drugim porodicama koje koriste centar. Možda ćete htjeti da centar za čuvanje djece organizuje aktivnosti za očeve i/ili porodice kako bi vam omogućili da upoznate druge očeve i roditelje.

Ovaj Informativni bilten za roditelje na raspolaganju je na više etničkih jezika i može se skinuti sa internet stranice Early Childhood Connections na www.ecconnections.com.au

Na inicijativu



Uz podršku



National Childcare Accreditation Council



Australian Government
Department of Families,
Community Services and
Indigenous Affairs